

Privatlivspolitik

GrønlandsBANKEN-imut sullitat pillugit paasissutissat illersornissaat pingaartuuvoq, aningaaseriviullu ulluinnarni sulinerani nalinginnaasumik ilaaginnarpoq aningaaseriviup nipangiussisussaataitanermik malinninnera. Aningaaserivik nioqutissanik sullissinernillu ineriartortitsigaagami, inummut paasissutissat, pillutit aningaaseriviup pigisai aamma suliarisai illersorsinnaaniarlugit teknikkikkut, timitalimmik kiisalu aaqqissuussaaniikkut nakkutiginninnernik aalajangersaasoqartarpoq.

Politikkimi matumani nassuiarneqarpoq, inummut paasissutissat suut GrønlandsBANKEN-ip suliarisarnerai, kiisalu sooq aningaaserivik taamaaliortarnersoq. Aammattaaq atuarsinnaavat, inummut paasissutissat ilinnut tunngasut aningaaseriviup qanoq aasarnerai, paasissutissatillu kikkunnt avitseqatigiissutigineqarsinnaanersut, qanorlu sivistigisumik aningaaseriviup toqortaatisarnerai. Tamatuma saniatigut politikkitimi nassuiarneqarpoq, pisuni suni aningaaseriviup profilering aamma (ilaannakortumik) automatiserikkamik aalajangiineq atortarnerai, qanorlu inummut paasissutissat ilinnut tunngasut takusinnaanerit. Aamma paasissavat, GrønlandsBANKEN-ip inummut paasissutissanik suliaqarneranut atatillugu oqaaseqaatissaqaruit imaluunniit apeqqutissaqaruit aningaaserivik qanoq attavigisinnaanerit.

Inummut paasissutissat suut GrønlandsBANKEN-ip suliarisagai

GrønlandsBANKEN-imi illit pillutit inummut paasissutissat immikkoortunut assigiinngitsunut agguataarneqarput. Illit pillutit paasissutissat aningaaseriviup pigisai, immikkoortunut tulliuuttunut agguarneqarput assersuutitaqarlutik (tamakkiisuunngitsumik):

- Tunngaviumik inummut paasissutissat (ass. sullissap normua, ateq, attavissatut paasissutissat, inuup normua)
- Inuttut piumasat (ass. pilerisaarutininik toqqaannartumik tigusinissamut kissaateqarnerisutit, oqaatsit suut atorlugit attaveqarusunnersutit, cookies akuerinerit)
- Naliliinerit immikkoortunullu agguaanerit (ass. AML-, FATCA- imaluunniit MiFID-peqqussutit naapertorlugit)
- Isumaqatigiissutit (isumaqatigiissutinut atatillugit paasissutissat tamaasa, ass. kontonormut, taarsigassarsinerit isumaqatigiissutit normui, kortit, pigisat nassuiaataat, piginnaatitsissutit)
- Aningaasatigut ingerlatsinerit (ass. kontomi uninngasuutit aamma taarsigassarsinerit, taarsigassarsianik akiliinerit, kortimik akiliinerit aamma pappialanik nalilinnik niuernerit, sullissamut atassuteqarnermik siunertaq aamma annertussuseq siunertarinqartoq)
- Attaveqatigiinneq (ass. e-mailikkut attaveqatigiinneq immaqalu oqarasuaatikkut oqaluunnernit immiussat)
- Nakkutiginninneq (ass. IP- imaluunniit Mac-adresse, aningaaseriviup onlinekkut aaqqiissutaani qaqqagukku elektroniskimik imminut uppernarsartarninnut takussutissat)

Immikkoortoq ataaseq inummut paasissutissanik, immikkut isertuussassanik, soorlu paasissutissanik peqqissutsimut tunngasunik imaqarpoq. GrønlandsBANKEN-illi paasissutissat taama ittut taamaallaat suliarisarpai, nioqutissamut aalajangersimasumut imaluunniit sullissinermut aalajangersimasumut, assersuutigalugu ilaatigut sillimmasiinerimik nioqutissanut attuumassuteqarpata.

Illit aningaaseriviullu sulisuisa timikkut isumannaatsuunissaasa qulakkeernissaanut ikiuutaasussamik kiisalu aningaaseriviup peqquserluttarnermik, pinerlunnikkut aningaasarsianik malunnarunnaarsaasarnermik allatulluunniit pissutsinik inatsisinik unioqutitsisunik akiuiniarneranut atatillugu, aningaaserivik ilaatigut immikkoortortamini assiliissutinik nakkutilliissutinik atuivoq.

Naleqquttuuppat, aningaaseriviup inunnut ilinnut sinniisuussunut, assersuutigalugu oqartussaasuusunut, kuratorinut assigisaanulluunniit akuerisaasumik sinniisuusunut pillutit inummut paasissutissat suliarisarpai.

GrønlandsBANKEN-ip inummut paasissutissanik suliaqarnermi siunertaa

GrønlandsBANKEN inatsisilerinikkut pissutsit assigiinngitsut pillugit kiisalu siunertat assigiinngitsut ataani nassuiarneqartut pillugit inummut paasissutissanik suliaqartarpoq. Pissutsit assigiinngitsut tunngavigalugit

inummut paasissutissanik ilinnut tunngasunik pisariaqartunik GrønlandsBANKEN-imut tunniusserusunngikkuit, imaluunniit paasissutissanik taama ittunik peerserusukku, tamanna aningaaseriviup sullissinernik nioqutissanillu ilinnut neqeroorsinnaaneranut sunniuteqarsinnaavoq.

Isumaqatigiissummik eqquutsitsineq

GrønlandsBANKEN-ip paasissutissanik inummut tunngasunik aallertarneranut toqqorsisarneranullu pingaarnertut siunertaavoq aningaaseriviup nioqutissai sullissinerilu ilusilersornissaat, neqeroorutiginiissaat kiisalu allaffissornissaat digitaliusumik, immikkoortortani imaluunniit oqarasuaatikkut, isumaqatigiissut inatsisitigut tunngaviliullugu.

GrønlandsBANKEN-ittaaq aningaaserivimmuut oqarasuaatikkut oqaluussinitit immiussinnaavai aamma/imaluunniit nakkutigisinnaavai. Tamanna pingaartumik atuuppoq oqarasuaatikkut GrønlandsBANKEN-imut pappialanik nalilinnik niueqateqarninni, aningaaseriviuttaarli illit aamma siunnersortivit kiisalu aningaaseriviup call centeriata akornanni oqarasuaatikkut oqaluunnerit immiuttarpai.

Inatsisitigut pisussaaffiit

GrønlandsBANKEN-ip inatsisitigut pisussaaffii eqquutsinniarlugit paasissutissanik inummut tunngasunik suliaqarnermini tulluuttut siunertarisarpai (allattukkat tamakkiisuunngillat):

- Kinaassutsit misissorlugulu uppersarniarlugu
- Kontotit kiisalu aningaaseriviup sullissineri allat qanoq atorneritit nakkutigalugit misissorlugillu, aningaaseriviup peqquserlunneq, aningaasanik pinerlunnikkut pissarsianik kiisalu assigisaannik inatsisinik unioqutitsinerit aningaaseriviup pinaveersaartinniarlugit paasiniarlugillu
- Paasissutissanik inummut tunngasunik kredit- aamma taarsigassarsitsinermut kiisalu aningaasaqarnikkut atortunut aningaasaliinernut attuumassuteqartunik uppersaaneq toqqorsinerlu
- Onlinekkut akiliinissamut kiisalu kontonut isersinnaanermut isumannaatsuunissamut piumasaqaatit aqussinnaanissai
- Oqartussaasunut soorlu akileraartitsartunut imaluunniit Finanstilsynet-imut nalunaarusiornissaq
- Naatsorsuutit allattuinerit, aarlerinaatinik aqutsinermut kiisalu kisitsisinik paasissutissanik suliaqarnermut atuuttunik malittarisassanik najoqqutassanillu malinninnissaq

Aningaaseriviup soqutigisaa

GrønlandsBANKEN aningaasersuinerimik sullissinernik neqerooruteqarpoq, aningaaseriviup sullissaanut pitsaasumik sivirusumillu atassuteqarnermik pilersitsinissamik siunertaqarluni. Taamaattumik aningaaseriviup inummut paasissutissat ilinnut tunngasut tulluuttut siunertaralugit suliarisarpai (allattukkat tamakkiisuunngillat):

- Aningaaseriviup nioqutissaatai, sullissineri attaveqaataalu pitsanngorsarniarlugit niuernerimik sullissallu pillugit misissuisarneq
- Ilinnut soqutiginarsinnaasunik nioqutissanik sullissinernillu nassaarnissamut siunnersuuteqarnissamullu, aningaaserivimmuut ikiuutaasinnaasumik toqqaannartunik pilersaarineq, tamanna taamaatissimannikkukku
- Sullissat pillugit misissuinerit
- Assersuutugalugu aningaaseriviup akiitsornerit aarlerinaatinut ilusiliaanik pitsanngorsaanermut atugassanik aarlerinaatinik misissuinerit kiisalu kisitsisinik paasissutissanik aallernerit

Illit akuersissutit

Nioqutissat sullissinerillu ilaannut, illit pillutit paasissutissat aningaaseriviup suliarisinnaaniarlugit akuersissuteqarnissat pisariaqartissinnaavaa. Taamaattoqassapat allakkamik nalunaajaammik saqqummiussiffiqeqassaait, aningaaseriviup nioqutitut sullissinernullu isumaqatigiissutaanit imaluunniit sulianit allanit atassuteqanngitsumik. Aammattaaq akuersissuteqarnerit qanoq utertissinnaanerlugu, tamatumalu nioqqummut imaluunniit sullissinermut pineqartumut qanoq sunniuteqassanera pillugu nassuiaanneqassaait.

Assersuutigalugu GrønlandsBANKEN-ip akuersissutit piumassavaa, aningaaseriviup nittartagaa atorukku, tassani aningaaserivik cookiemik webbrowserinnut ilanngussisarmat immikkut ittumik uppersaatalimmik webikkut misissuineranut atorneqartussamik: Taamaasilluni aningaaseriviup nittartagaata qanoq atorneqarnera pillugu aningaaserivik ilisimasani katersisinnaamat. Akuersissut tunniunneqartarpoq, webbrowser aalajangersimasoq aqutigalugu aningaaseriviup nittartagaa suullermeerlutit iserfigalugu cookiesit akuersissutigukkit. GrønlandsBANKEN-illi atuisut ataasiakkaat nittartakkamik atuinerat sumiissusersineq ajorpaat, taamaattumillu aningaaseriviup inummut paasissutissat soorlu ateq, IP-adresse imaluunniit e-mailadresset cookiesini atorneqartut katersorlugillu toqqorneq ajorpai. GrønlandsBANKEN-ip cookies qanoq atortarnerai pillugit uani [paasisaqarnerugit](#).

Profiling aamma automatiserikkamik aalajangiineq

Pisut ilaanni GrønlandsBANKEN-ip profilingimik taaneqartarpoq atortarparaa. Tamanna isumaqarpoq misissuineramik naammassinnissinnaanissaq pillugu inummut paasissutissamik automatiskiusumik suliarinninnermik, sullitap aningaasaqarnikkut inissisimaffianut, inuttut piumasaanut imaluunniit attaveqaatini assigiinngitsuni pissusilersorneranut tunngasuni. Profilingittaaq immikkoortut ilaannut automatiserikkamik aalajangiisarnermut atorneqartarpoq, assersuutigalugu internettikkut taarsigassarsinissamut qinnuteqaatinik ilaannakortumik automatiserikkamik akuersinermi imaluunniit itigartitsinermi.

GrønlandsBANKEN-ip inummut paasissutissatit qanoq aasarpai

GrønlandsBANKEN-ip paasissutissat toqqaannartumik ilinnit aasarpai, assersuutigalugu GrønlandsBANKEN-imi kontomik ammaaguit, taarsigassarsinissamut qinnuteqaruit imaluunniit akiligassatit akilerukkit, kiisalu GrønlandsBANKEN-imi sammisannit. Tamatuma saniatigut aningaaserivik paasissutissat nalunaarsuivinnit namminersortunit kiisalu pisortanit, assersuutigalugu Det centrale Personregisterimit, akileraartarnermut oqartussaasunit imaluunniit akiitsorsimanermut paasissutissiisarfinit aasarpai.

GrønlandsBANKEN-ip paasissutissatit kikkunnut avitseqatigiissutigisarpai

GrønlandsBANKEN inatsisitigut pisussaavoq illit pillutit paasissutissamik ingerlatitseqqiiinginnissamut, siunertat akuerisaasut pineqanngippata, matuma ataani ilinnut isumaqatigiissuteqarnermik eqquutsitsinermi, imaluunniit inatsisitigut piumasaqaataasunut allanut imaluunniit akuerisaasunut siunertanut atatillugu, soorlu oqartussaasunut nalunaaruteqarneq.

Aningaaseriviup nioqqutaanut aamma sullissinissamut ilinnut isumaqatigiissutaanut piumasaqaatit eqquutsinniarlugit, aningaaseriviup illit pillutit paasissutissamik suliffeqarfinnut allanut aningaaserivimmuut imaluunniit ilinnut isumaqatigiissutitigut sullissinermik tunniussisussanut avitseqateqarnissamut pisariaqartitsisinnaavoq. Tamatumani pineqarsinnaapput aningaaseriviit, betalings servicemik nioqquteqartut kiisalu aningaaserinermi attaveqartut, tuniniaasut, agentit kiisalu nioqqutissamik isumaqatigiissuteqarnermi attuumassuteqartut allat.

Pisunut aningaaseriviup inuttut paasissutissatit GrønlandsBANKEN-ip avataanut ingerlatitseqqittarnerinut assersuutit (allattorsimaffik tamakkiisuunngilaq):

- GrønlandsBANKEN-imu taarsigassarsiniallutit qinnuteqaruit akiitsorsimanermut paasissutissiisarfinit akuerisaasunit
- Illuatungiusunut aningaaserivimmuut imaluunniit ilinnut isumaqatigiissutitigut sullissinermik tunniussisusunut, ass. betalings servicemik sullissinermik nioqquteqartut, nioqqutissamik nioqquteqartoq akuerisaasoq imaluunniit illuatungerisat, aningaaseriviup suleqataatut saqqummertut.
- Aningaaserivinnut imaluunniit akiliisitsisarfinnut Kalaallit Nunaanniittuni nunanilu allaniittuni aningaasanik nuussinermi imaluunniit aningaasanik qinnuteqarninni
- Naalagaaffimmi oqartussaasunut, nakkutilliinermik oqartussaasunut kiisalu akileraartarnermut oqartussaasunut GrønlandsBANKEN-ip inatsisitigut nakkutilliinikkullu pisussaaffiis isiginnikkut, ass. akileraartarnermik, aningaasanik pinerlunnikkut pissarsianik malunnarunnaarsaaneq, peqqarniisaarniarnermik akiuiniarneq aamma nunasisarneq pillugu inatsisinik
- Peqquserlunnermik akiuiniartunut akuerisaasunut suliffeqarfinnilluunniit assigisaannik aningaasaqarnikkut pinerlunnermik akiuiniartunut ikiuutaasunut

Nunanut allanut nuussinert

Pisut ilaanni aningaaseriviup inummut paasissutissat Kalaallit Nunaata avataani tiguisussanut nuussinnaasarpai. Tamanna pingaartumik pisarpoq, illit qinnuiginninnerit tunngavigalugu isumaqatigiissuteqarnikkut tiguisussamut nunamut allamiittumut aningaaserivik aningaasanik imaluunniit nalilinnik allanik nuussigaangat. Pisoq allaavoq, GrønlandsBANKEN inummut paasissutissat oqartussaasumut nunami allamiittumut ingerlateqqinnissaanut pisussaataappat.

GrønlandsBANKEN nunamut allamut nuussinissamut illit isumaqatigiissuteqarfiginngikkunitit, piumasaqaatit ataani allasimasut arlaat eqquutsinneqarsimasariaqarpoq, aningaaseriviup nuussineq naammassisinnaassappagu.

- Oqartussaasut aalajangersimassagaat, nuna alla pineqartoq naammaginartumik illersuisuusooq
- Isumannaallisaanerit allat soorlu nallinginnaasumik isumaqatigiissutini aalajangersakkanik imaluunniit suliffeqarfiup malittarisassaanik piututtuisunik peqartoq
- Nakkutilliinermik oqartussaasumit akuersissumik peqartoq imaluunniit
- Paasissutissat pillugit inatsit atuuttoq naapertorlugu akuerisaasoq

Qanoq sivisutigisumik GrønlandsBANKEN-ip inummut paasissutissatit toqqorsimasarpai

GrønlandsBANKEN-ip inummut paasissutissatit taamaallaat toqqorsimasarpai, nioqqutissanik sullissinernillu GrønlandsBANKEN-imut isumaqatigiissutigisimasatit eqquutsinniarlugit piffissami pisariaqartumi. GrønlandsBANKEN-ittaaq inummut paasissutissat toqqorsimasarpai inatsisitigut piumasaqaatit kiisalu suliffeqarfimmi paasissutissanik toqqoqqasaqarnissamut piumasaqaatit eqquutsinniarlugit.

GrønlandsBANKEN-imi kontot matutikkaluarukku imaluunniit sullissinernik taamaatitsigaluaruit, aningaaseriviup inummut paasissutissavit ilaat kontomut imaluunniit sullissinermut atatillugu piffissami aalajangersimasumi toqqoqqasariaqarpai. GrønlandsBANKEN assersuutigalugu akileraartarnermut oqartussaasunut nalunaaruteqartartussaassaaq, kiisalu aningaasanik pinerlunnikkut pissarsianik malunnarunnaarsaasarneq akiorniarlugu kiisalu naatsorsuusiornermut inatsisini piumasaqaatinik naammassinissalluni. Aningaasanik pinerlunnikkut pissarsianik malunnarunnaarsaasarneq pillugu inatsit naapertorlugu paasissutissat, allakkat, nuussinert nalunaarsuutillu sullitap sullikkunnaarnerata imaluunniit nuussinerup naammassineqarnerata, nuussineq ataasiinnaq pineqarpat minnerpaamik ukiuni 5-ini toqqorneqassapput.

Nioqqutissamik imaluunniit sullissinermik qinnuteqaruit, kingornali GrønlandsBANKEN-imut isumaqatigiissuteqarnak, inuttut paasissutissatit piffissami sivikinnerusumi toqqorneqassapput, aningaaserivimmik oqaloqateqarnerit uppersarsinnaanarlugu.

Qanoq ilillutit inummut paasissutissatut aqussinnaavigit pissarsiarisinnaallugillu

Inummut paasissutissat GrønlandsBANKEN-ip suliarisai pillugit arlalinnik pisinnaatitaaffeqarputit.

- Qaqagukkulluunniit inummut paasissutissat, aningaaseriviup illit pillutit pigisai pillugit assimik piumasinnaavutit. Tamanna nalinginnaasumik akiliisitsissutaaneq ajorpoq
- Toqqaannartumik neqeroorutinik pisarusungikkuit, qaqagukkulluunniit aningaaserivimmut nalunaarutigisinnaavat, GrønlandsBANKEN-ip illit najukkanni immikkoortotaqarfianut saaffigininnikkut
- Paasissutissat ilinnut tunngasut, GrønlandsBANKEN-ip pigisai eqqortuunngitsut paasigukkit, aningaaseriviup erngertumik iluarsissavai tamanna nalunaarutigigukku
- Piumasaqaatit aalajangersimasut naapertorlugit inummut paasissutissatit peerneqarnissaannut imaluunniit killilimmik suliarineqarnissaannut qinnuteqarsinnaavutit
- Illit pillutit paasissutissanik aningaaseriviup suliaqarneranut naammagittaalliteqarsinnaavutit, aningaaseriviup GrønlandsBANKEN-ip qulaani nassuarneqartut naapertorlugit inatsisitigut soqutigisai tunngavigalugit suliarisaanut
- Inummut paasissutissat GrønlandsBANKEN-imut tunniunniukuusavit, aningaaseriviullu aqqissuussinerni suliarisai amerlanerpaartai pillugit digitalikkut kopiimik aallersinnaavutit. GrønlandsBANKEN-ittaaq illit

qinnuiginnikkuit, teknikkikkullu periarfissaappat, inummut paasissutissat taakku suliffeqarfinnut allanut imaluunniit oqartussaasunut, inummut paasissutissannik suliaqartunut toqqaannartumik nuussinnaavai.

Pisinnaatitaaffivit atornissaat kissaatigigukku, najukkanni immikkoortortamut imaluunniit GrønlandsBANKEN-imi paasissutissanik illersuinermit siunnersortimut attaveqarsinnaavutit.

Paasissutissat allat

Aningaaseriviup inummut paasissutissatit pillugit suliaqarneranut apeqqutissaqaruit imaluunniit naammagittaalliorusukkuit, immikkoortortat attavigissagit imaluunniit GrønlandsBANKEN-imut allasasutit qinnuigaatsigit.

Najukkanni immikkoortortavit attaviginissaanut paasissutissat kiisalu attavissat allat uani [takusinnaavatit](#).

GrønlandsBANKEN paasissutissanik illersuinermit siunnersorteqarpoq. ctp@banken.gl

Aammattaaq pisinnaatitaaffivat GrønlandsBANKEN-ip naammagittaalliutinik akisussaasuinut naammagittaalliummik nassiussinnaaneq. Naammagittaalliornissamut ilitersuut uani [takuuk](#).

Inummut paasissutissanik suliaqartarnermut nakkutilliinermik oqartussaasuvoq, Datatilsynet, Carl Jacobsens Vej 35, 2500 Valby